

IMPRESIONANTE CELEBRACION NACIONAL

"DIA MUNDIAL DI TEATRO 2012"

e di 8 edicion dedica na ARTE DI PALABRA



STA. CRUZ -- Despues di e palabra di introduccion di e gran Maestro di Ceremonia señor Juby Naar cu tambe ta un pionero di e.o. Teatro a duna palabra na representante di Departamento di Cultura Aruba: Sr. Frank Croes cu a habri caminda pa e tremendo apertura oficial. Esaki tabata na encargo di e bailarin profesional Dyantha Maduro y e hobennan musico profesional, Jean Paul Carrasquilla y Jair Britten, cu a compaña e Poeta actriz profesional Emerita Emerencia cu e obra di Maya Angelou: "Still I Rise", presenta den e lanzamiento di e obra Monologo di Vagina. Despues a sigui un declamacion di e poesia original titula CREDO di Gwendy Sneek., Philomena Wong tambe a dedica un poesia na nos primerisima Nidia Ecuri (dfm) y den un ritual di traspaso di mando for di e poetanan pionero na e generacion di e futuro poeta y escritornan Arubano cu ta destaca grandemente cu nan obra literario a sigui cu e evento.

Die forma aki aduna honor na e lectura di Mensahe Universal pa Dia Mundial di Teatro 2012 di e autor John Malkovich lesa pa poetanan: Desiree Correa, Munje Winklaar y Olga Buckley cu

asistencia di e hobennan Lizienne Maldonado, Glenelize Maldonado y Gregory Maldonado.

Cu un desfile di e hobennan poeta cu a destaca grandemente den e Competencia Literario ARTE DI PALABRA 2012 cu categoria di Poesia Original, existente y storia original. Pa loke ta trata poesia original nos por a mira 'La vida de telenovelas' di Eleen Gillian Rasmijn; 'Ta ken awor' y 'Tempo' di Samantha Trinidad; 'E tristesa di mi amor' di Rosaura Groeneveldt; 'Strea incansabel' di Miriam Salazar; 'Mi dushi buki' di Kimberly Sante; 'Blackberry' di Jeremy Francisco; 'Aruba di nos e ta' di Tyfanny Garcia; 'Nos Aruba' di Yuxemy Alba; 'Tempel di Dios' di Victor Rosario; 'Mi mucha bunita' di Jean Chisme; 'Stimacion' di Icon Sanches; 'Bo ta corda' di Samantha Campbell; 'Libertad' di Ana Victoria Kock; 'Amor y balor' di Eleen Gillian Rasmijn y 'Prisionero di Palabra sin bisa' di Emmanuel Rosel. Pa loke ta trata poesia existente nos por a mira 'Mensahe di Paz' di Belén Kock-Marchena declama pa su nieta Ana Victoria Kock; 'Sin mas' di Philomena Wong declama pa Genesis Ramirez y Ami...! di Jhon Freddy Montoya declama pa Mirzah Manga.

Despues di e talento y creatividad muestra pa nos hobennan a sigui cu e Lectura di NOMINADONAN PA PREMIO NACIONAL DI TEATRO 2012 cu na luna di Mei dicho reconocimiento ta ser entrega. A pidi tambe pa e nominadonan entrega nan curriculum di e obra cu nan a ser nomina y pa entrega esaki na Departamento di Cultura, cu lo ser entrega na e huradonan cu lo evalua ta cua proyecto of fundacion ta bay cu e reconocimiento valioso aki pa loke ta trata e premio pa 2012. E nominadonan tabata den nomber di FUNDARTE cu e proyecto 'Festival Internacional di Teatro pa mucha FITAM'; Fundacion Cas di Cultura Aruba cu e proyectonan '101' y 'CLAUS'; Fundacion Arte pro Arte "FARPA" cu e proyecto 'Teatro den Bario'; Fundacion "Mi Cutisa" cu e proyecto 'Monologo di Vagina' y After Party' coordina conhuntamente cu Philomena Wong y Jacky Bernabela cu sosten di UNOCA; Fundacion "Muchila Creativo" cu e proyecto 'Tayernan anual di Tearto'; Fundacion Da Vinci cu e proyecto di 'Cursonan di teatro'; Fundacion Popcorn Dancers cu e proyecto 'Plan Vacacional DDD'; Fundacion Bon Nochi Drumi Dushi cu e proyecto 'Lesamento di

cuenta na cas y obranan di popchi pa conta historia'; Asociacion Teatral Mascaruba cu e obra 'Mañan Dalia lo ta mi Dalia' di Joan Danie y Lutti Martines; 'Fundacion Scol di Baile y Teatro Diana Antonette cu e obra Muhe Frida (Proyecto Multidisciplinario) produci pa Alydia Wever; Art Rap Foundation cu e proyecto 'Escena Cultural FFF'; 'Obranan di Compa Nanzi' presenta pa grupo di Carmen Herrera; 'Historianan di Compa Nanzi' coordina pa Mirtho Laclé y finalmente tin un espacio pa pueblo por apunta un of mas organizacion cu ta traha duro pa Teatro y cu nan valioso trabao ta aporta grandemente na desaroyo di arte y cultura na Aruba. Masha pabien na tur e nominadonan.

Finalmente a duna espacio na loke ta trata e seccion di storia original cu e obranan: 'Humano Imperfecto' di Paola Thijsen y 'Regla cuenta' di Osvaldo Correa. E clausura tabata na encargo di e fabuloso banda ON SET alumnonan di St. Agustinus College y Colegio Arubano: cu e cantantenan Nicole Ras, Susjaira Kerpen, Heidi Aristisabal y Elaisha Gomez y e Musiconan: Krisskross, Timoty Nadal, Oscar Muñoz y Alex Tromp cu e Cancionannan: 'Un compositor....!' di John Freddy Montoya y 'Namora di Aruba...' di Cesar Olarte.

E Proyecto Nacional aki ta auspacia pa Ministerio di Cultura Aruba y coordina pa Seccion di Implementacion di Departamento di Cultura Aruba, Lider di Proyecto

y coordinador general di CDMT Sr. Jhon Freddy Montoya y asuntonan administrativo Marlene Lampe.

Un agradecimento special tambe na Departamento di Cultura, Sr. Frank Croes, Yvette Laclé, Grupo Corector di Papiamento, Julie Emerencia, Julienne Paskel, Maritza Erasmus, Shailiny Tromp - Lee, Ricaldo vd Biezen, Tecniconan di Cas di Cultura, Angel Coronel di Aruba y su Turismo, Juby Naar, Cherry Ras, Angela Velasco, Taisa Aillene, Roland Jansen, prensa en general, Belen Kock Marchena, Philomena Wong y tur artista grandi y hoben cu a participa durante e anochi aki yena cu expresion, talento y creatividad.

